


MAKES-I
HAKKAT

UTL AT DOWNSVIEW




D RANGE BAY SHLF POS ITEM C
39 10 10 06 05 009 1

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY



Digitized by the Internet Archive
in 2010 with funding from
University of Toronto



Cidā, yāhūd, Mackes-i
ḥakīkāt جدال

یاخود

معکس حقیقت

محرری :

اسماعیل حق

قاہرہ طبع و انتشار

۱۹۰۸

DR

568

.8

I7 A3

1908

احمد رضا بك ! زير اداره كزده نشر اولونان مشورت غزته سنك
في ۱ تشرين اول سنه ۱۹۰۷ و ۱۹۲۰ نومرولى نسخه سنده حقمده
ايكنجى دفعه اولارق روا كورديكه كز تحقير و تجاوزى كوردم
اوج بچق آيدنبرى ايرانده، قفقاسيه ده سياحتده بولنديغمدن
غزته نك بو نسخه سى تاريخ انتشارندن قرق بش كون صوكره
منظورم اولدى. بناءً عليه اقتضا ايدن جوابى بو كونه قدر تأخير
ضرورى ايدى .

مسئله ي قارئىنك لايقيه ادراك واحاطه ايد بيلملى و آكا
كورده بر حكم وجدانى و بر ملى ايچون ايضاحات آتيدده بولمق
ايجاب ايدىور: مشورتك ۱۸۶ نومرولى نسخه سنده سلطان زاده
صباح الدين بكه — موقع بلند اجتماعيسندن صرف نظر — سزى
علميله ، عرفانيه بر چوق خصائل فاضله سيله دائما كولكه ده
براقان ، ميدان جهاد و حريتمه كى مقالات دقيقه و عالمانه سيله ناقابل
زوال نظر حق و عداوت كزى جلب ايدن — صباح الدين بكه بوندن
آلتى سنه مقدم پارسده ، زير رياستنده انعقاد ايدن قونغره مناسبيله
وسائقه كين و غرضله هجوم و تعرض ايتديك كز صروده طرفدار
لرندن بر خيلى سنى (عادى سرسرى و ناقابل صلاح شارلانان) ديه

توصیف ایتشدیکیز . الی کشیدن مرکب او قونغر ده سزکله برابر
بنده موجود اولدیغ و رای خفی ايله قومیته اعضا لغنه انتخاب اولنق
صورتيله میر مشار الیه طرفدار لرندن بولندیغ ایچون سزه فرانسه
مکتوب آتی بی کوندره مشیدم .

مشورت غزته سی صاحبی احمد رضا بک افندی یه

مدیر بک افندی ! مشورت غزته سنک ۱۲ شباط سنه ۱۹۰۷
تاریخی نسخه سنده مندرج اولوب — ندامت — سر لوحه سی
آلنده نشر اولونان و بوندن بش سنه مقدم پارسده صباح الدین بک
افندی نیک زیر ریاستنده منعقد اولان احرار عثمانیه دن متشکل قونغر
یه دائر اولان مقاله نیک بر فقره سنده صباح الدین بک طرفدار لرندن
برچو غنک (عادی سر سری و ناقابل صلاح شارل اتان) تعبیر اتیه
توصیف اولندیغی منظور عاجزی اولدی . بوقونغر ده بنده اثبات
وجود ایتش وبالطبع صباح الدین بک طرفدار لرندن بولنمش اولد
یغمدن افکار قارئینی تنویر و ارشاد ایچون لطفاً فقره مزبور نیک
توضیح و توسیعنه همت بیورملرینی رجایدرم . بوبایده طرف والا
لرندن وضوح آمیز بر جوابه انتظار حقمی نظر تقدیر و قبوله آله
جغفیکیزی امیدایله حسیات مخالفه متکارانه مک قبولی متمنادر افندم
فی ۱ مارت سنه ۹۰۷ مصر القاهره
اسماعیل حق

بومکتوب ارسال قلندیغی صره ده سزده مصرده بولنیوردیکیز .
بر آراق بالذاب نزدکزه کلوب مسئله یی شفاهه استیضاح
نیتنده بولنمشکن بونک بالا خره شایان اسف بر نتیجه یه اقتراعی
وبعض جهت لر دن سوء تفسیره اوغرامسی احتمالی درپیش ایدن

بعض اودای خالصه منی او طرز استیضاحدن منع ایتشلدی .
 بنده مکتوب مذکور کوندر مکله اکتفا ایتشیدم . اوصره ده سز
 پارسه عودت ایتدیکز ؛ ادب و نزاکت دائره سنده یازیلان بومکتوب
 به غزته کزده بر جواب بکلدیکم حالده آره دن بو یحق آی کچی
 مقاله ده یولندیکز ؛ بناء علیه سکو تکز اقرار معناسنی تضمن
 ایتکله بالطبع حق سکزده کی فکر وحسم دکشدی ، سزه ایکنجی
 بر مکتوب ایله زدکزه طرفدن ایکی شاهدک کوندر لمسی چون
 پارسده بر ایکی ذاته مراجعت ایتشیدم .

ایکنجی مکتوبک ترجمه سی :

احمد رضا بکه

احمد رضا بک ! صاحبی بولندیکز مشورت غزته سنک فی ۱
 شباط سنه ۹۰۷ تاریخلی نسخه سنده « صباح الدین بک طرفدار لری
 علیهنده علی طریق الاستطراد تحقیر آمیز بر مقاله نشر ایتدیکز .
 مقاله ده هدف تجاوز اولق ایچون تعیین شخص ایدلمدیکندن
 مذکور فقره نک صباح الدین بک بتون اودای سیاسییه سنه تشلی
 طبیعیدره ایددی ، بنم صباح الدین بک طرفدار لرندن بولندیغم سزجه
 ده معلومدر . اخیراً مصرده افامتکز اثناسنده سزه کوندر دیکم
 بر مکتوبده موضوع بحث اولان اتهامات تحقیر آمیزده نم داخل
 اولدیفتمک اعلان و بیانی سزدن رجا ایتشیدم . یدکزه واصل
 اولدیفتمده شبه اولمیان بومکتوبه یالکز جواب و برلمه مک دکل ،
 حتی فی ۱ شباط سنه ۹۰۷ تاریخلی غزته دن صوکره توالی ایدن نسخه
 لرده ده تصحیح کیفیته متعلق برشی کورلمدی . بناء علیه ذاتکزدن

امضا کز آلتنده بر تصحیح نامه آلتق و یا اصلاح ایله حل کیفیت ایتک
اوزره مسئله بی ایکی شاهد الله تودیع ایتکدن باشقه نم ایچون
چاره قالدیغندن ذات مسئله بی بو نقطه لردن مذاکره ایتک اوزره
اشبو مکتوبی سزه تسلیم ایده جک اولان افندیله مآذون
نیت کامله اعطا ایدلیدیکی مخالفت مخصوصه مک بیاننه وسیله اتخاذ
قلندی افندم فی ۲۳ نیدان سنه ۹۰۷ اسماعیل حق

بومکتوبک مرسل الیهی اولان ذاتلر فیکریمه شدتله معترض،
عزم و تشبیه قطعاً مانع اولدیله کوندریله جک شهود اجنبیه نک
هویتی بیلملری شریطه سندن طوتدیره رق دهاسیک درلو
تصعیبات ایقاع ایدیلر.

آرهدن تقریباً ایکی بچق آی کچمشدی که پارسده بومسئله
اوزرینه سزکه کورشمش بر ذات نجیب و محترم بکا ماریاناددن
مکتوب آتی بی کوندرمشاردی:

عزیزم حق بک اپارنده احمد رضا بکی کوردم. مشورتک شیطا
نسخه سنده مندرج او اوب صباح الدین بک طرفدارلری میاننه
سزکده ادخال ایدیلوب ایدلدیک کزی صوردم. جواباً
مذکور مقاله ده (سزی) او وصف و تعداد ایتدیکی ذوات صره
سنه قویغنی اصلاً خاطرینه کتیرمه مش اولدیغنی طرفیکزه بیلدیر
مکالمی بیان و بوباده مکتوبیکزه ایجاب ایدن جوانی و برمه سی
ایسه مکتوبیکزک شیوه افاده سنک کنیدیسی رنجیده ایدر صورتده
کوروغسندن ایلری کلدیکنی درمیان ایلدی. شو حالده عزیزم
حق بک! طرفیکزدن برسوء تفهیمه اوغرایان بومسئله صورت

قطعه ده حل و فصل ایدش دیمك اولمغله حسیات خالصه مك قبولی
متمنادر. فی ۱۱ اگستوس سنه ۹۰۷. ماریانباد امضا

بومکتوب ده مصری دولاشه رق بوندن ایکی بحق آی مقدم با کوده
بولندیم زمان واصل اولمشیدی. مکتوب مورود بر درجه یه قدر
حسیاتی تعدیل و تسکین ایتش ایدیه ده بونك درجه کافیه ده
کورلیه جکی بدیهی ایدی. حالبوکه سز، سوزیکزك صاحبی اولیوب
طینتکیزده مرکوز اولان کینه سکون ناپذیرك مغلوبی بر مرائی
بریا لانجی اولدیفکیزدن غزته کزك سالف البیان تشرین اول سنه
۱۹۰۷ نسخہ سیله حقمده یکیدن وجدان شکنانه تحقیر سماحتی
دریغ بیورمه مشکیز. همتکیز، علو جنابکیز وارا اولسون!

ماریانباد مکتوبیله بونسخه آره سنده کی تناقضی کوروبده متحیر اولما
مق قابل دکل. هر نه حال ایسه غزته کزده در میان اولمان مطالعه
کزه امثالاً قلیچه دکل، ایشته شمذیلک قلمه مراجعت ایدیورم.
آنحق سزه خبر ویره یکه بومقابله تحریریه ایله حالاً اوزریکیزده
موجود و باقی اولان حقمدن، حق صریح و مشروعدن وازچمد
یکمی، کچمیه جکمی ایی بیاملیسکیز، برعسکره، شرف و حمیت
بولنده هر شینئی غائب وفدا ایتش، اردوی عثمانیده یکریمی بش
سنه ضابطاک یتش ناموسلی برعسکره، تجاوز ایتنك جزای
عمانی البته کورملیسکیز.

شمدی صده کلام: احمد رضا بک! غزته کزك ۱۹۲ نومرولی
نسخه سنده یاوران پادشاهیدن میرلوارضا پاشادن بحث ایدکن صوکره:
(الیوم خدمت خفیه خدیویده بولنان برترك ضابطلی ده تمیز واشتهار

ایچون بنله دوئلو ایتک تجربه سنده بولندی . کوریلورکه
 دنیاده اولدیرلمکه مستحق یالکیز احمد رضا وارمش . . .)
 زمینده تفاخر اولنیور . دوریکیز بقالم ، عجله ایتیک ! اوترک
 ضابطی هنوز او یله بر تجربه ده بولندهدی . بولنق ایستدی ، نه چاره
 که ینه سزک خصما کیز ، فضیلت پرور تعرضیده لریکیز منع ایتدیلر
 و دیدیلر که : (مصائب کونا کون ایچنده بولنان بدبخت وطنک تخلیه صنه
 چاره جوی سلامت اولمق کبی میدانده بروطفه مقدسه طور رکن
 شخصیات ایله اوغراشمق تعقیب ایدیلن مقصد حمیتله متناسب
 اولماز ، وبو ، یارواغیار قارشو سنده سوء تأثیر حاصل ایتمکدن خالی
 قالماز . وطنمیز خدمتمنده بولنغه حصر عمر ایتدیکمزدن دولایی
 سیکز سنه دهری افراد عائله من محبسه ایکار و بزبکون برطاوان
 آراغنده یاشارکن لیمه رال وطنداشلمز طرفندن مملکتک هر
 طرفنه صالدریلان مکتوبلرده ، عبدالحمیددن بدتر بر دیو وطنخواار
 اولمق اوزره تقدیم ایدلمکده یز . مایوس اولیورز ؛ چونکه بزی
 وطنمزدن ماده اوزاقلاشیران اسبابی ساده جه خارجه کی ملی
 محیطلر منده ده بولمش ، فلاکت حاضره نک یالکیز عبدالحمیدک
 وجودیله قائم اولدیغنی تجارب شخصیه منله ده کورمش اولیورز .
 بوکا قارشلیک معقول حرکت نه حدت نه مایوسیتدر . حقیقت وعداتی
 سودیرمکه ، سونلری چوغالتغه چالشمق ، غرضه قارشلی محبته
 استناد ایتمکدر . بونک ایچون ظلم و تجاوز — بتون بتون بی ادبانه اولمقجه
 — قلماً رد ایدملی و بوده ممکن اولدیغنی قدر متجاوزدن زیاده
 فکر تجاوزده کی چرکیندکلر ؛ اونده کی مدللر ، اونده کی تعقللر

تشیهر ایدلی ؛ حسیات عالیہ نك ارکان اصلیهٔ سعادتدن بولندیغی
 کوسترللی . سزك الكیزده ایسهٔ بیوک بر قوت وار که اوده
 ماضیکیز ! خرسز بر مأموری [*] قانونك جزاسنه چارمق
 ایچون ثروتی تکمه این ، حریت ، حمیت اغورنده استقبال مادیسی
 فدا ایدن برماضی ! بر رساله کسوه سنده بو ماضینك هول انکیز
 صفحاتی صرہ سیه یا شادقدن صوکره ردوس منقاسندن ناصل
 قورتولوب اوروپایه کلدیکیکیزی واوراده عناصر عثمانیه اره سنده
 بر اخوت تأسیسنه چالشمق مقصدیه اجتماع ایدن قونعریه اشترا
 کیکیزدن طولانی حریتپرورلك نقابی آلتنده صاقلانان... بر مستبد
 طرفندن حیثیتیکیزه نه قدر حقشکنانه بر تجاوزده بولندیغی مقام
 مدافعهده نشر ایتلیدی . بویه بر رساله قارئینه بر سر گذشت
 شخصیدن زیاده بر فاجعهٔ ملیه نقل ایده جگدی !... فقط نه دنسه
 سز قلیجی ، قلمه ترجیح ایتدیکیز.. احمد رضا بك سزدن زیاده بزه
 تعرض ایتشدر ؛ اودره جده که بزم معروض اولدیغمز وجدانشکاف
 افتزالره نسبتاً سزی ، بو قدر متأثر ایدن تجاوز حد ذاتنده پك
 جزئی قالیر ...)

ایشته آلتی سنه دبری محوینه ، حیات معنویه سنه یوریدیکیکیز بر
 خصم قدیمکیزك اخطارات و مطالعاتی !.. (مکتوبك بلااستیدان
 نشر و اشاعه ایتدیکیم بوفقره سندن دولایی صاحب معالی پرورینك
 عفوارینی تمنی ایدرم)

بن ، بومعقول حقیقتلر . بوفضا ثلثمون مطالعه لر اوکنده

[*] - ابق طرابلس قرب فرقه سی محاسبه جیبی ملی اسعد بك

سر فرو پرده انقياد اولوب قالمش و سز كله حل مسئله يي وقت
مناسبه تعلیق ایلیمشیدم . فقط سز کانون قلبکیز ده قانسایان
او حس غیظ و انفعالی بر درلو تسکین ایده مدیکز ؛ قودوردیکز ؟
قودوردیکز ؟ بی پروا اوتیه بریه صالیر دیکز . برنجی تجاوز
کزه قارشى جبر نفس ایله تعدیل تأثره چالشمشکن ایکنجی
تعرضکزه بنی بی صبر و آرام ایتدیکز . نه دیهیم ؟ البادی اظلم .
احمد رضا بك ! بنی خدمت خفیة خدیویده بولغفله توصیف
و تحقیر ایتک ایستورسکیز . بونی نه ایله استدلال ایتدیکز ؟ خدیو
حضر تیرینک سوابق فاخره می تقدیر آ واون بر نپردن مرکب
افراد عائله مقدوره مه مرحمة رایگان بیوردقلری لطف و عاطفتلر
یله می ؟ اوله ایسه مساعده کزله اوله بولغفله صورت مظهر یتمی
حکایه ایده می ، خفیة لیکه تعلق ایدن جوابیده صوکره یه بر اقریز :

وقتا که شرف رفاقت و حمایتنه مظهر یتم اعتبار یله حیاتک قسم بخنیا ریتی
تشکیل ایدن شهید حریت مرحوم داماد محمود پاشایی بروکسلده
قولارم اراسنده رحمت احدیته تودیع وپارسلده خاک ابدیته تسلیم
ایتدم ؛ ارتق بنم ایچون اوروپاده ارامه حیاته امکان قالماشیدی .
آنک اوزرینه مأیوساً مصره چکلش و بنم یوزومدن یوق یره
محو و تباه اولان استانبولده بر اقدیغم بد بخنلرک تأمین انتعاشلرینه
مدار اوله حق وسائل معیشت تحریرسنه قویولمش فقط دفعه
برایش بوله مامشیدم . ایشته بواشاده ایدی که مصر پر نسلرندن
عالیجناب بر ذات — همشیره کزله سزی بر خیلی زماندنبری
حمایه ایدن و هر بریکزه یوزلرله لیرا احسان و عنایته بولغفله صورت یله

ولی اللطف‌کز اولسی لازم کلان بو ذات مکار مبرور — بکاده دست مروت و انسانیتی اوزاتدی . حقمد غیباً نزدعالی خدیویده دلالت و شفاعت خیر خواهانده بولندی . ناقابل زوال موجب کین و انفعال‌کز اولان الطاف مخصوصه خدیوی بوضوئله جلوئه ظهوره کلدی .. صوکره سزاواتنده تقاضا ایتمکدن کیری قالدیکز ، حتی بر دفعه : پرنس ایملکی هپ خصوصی یاپار ، واسماعیل حتی بکه یاپار ؛ کسمه عومی خیر و منفعتی دو قونماز ... تعریض معنیداری ایله کندیکیزی یوب بتر مشدیکز . ظن ایدرم که شمدی او سرزنش‌ارده بولماز سـکـز . بوراجقده بر شی وارد خاطر اولیور . شمدی او ولی اللطفه صورار ، اکالیه بیلیر سکز که بنی مظهر عاطفتی اولدیغم ذات فحامتسایه و قتیله خدمت خفیه ایله می تقدیم ایتمشدی ؟

عل العموم ضعفا و عجزیه معاونت صحیحاً انسان کیچینلره کوره لازمه ذمت ، حمیت و هر مسلمان ایچون واجبه دیانت و فضیلتدر . خدیو حضرتلرینک لطف و عنایتلری ایسه شخصمدن زیاده بر عائله مغدوره بی سـفـالتمدن وقایه مقصد جلیله مبتنی اولدیغی آشکار ایکن سزک ، مجرد بنی لکه ملک ایچون وجدان و انصافی بر طرفه آتـهـرق سوء تفسیره قیامکز حمیت یولنده او غرادیغم مضالم حمیده دن دها چوق ظالمانه ، دها چوق دناشکارانه در .

کوریلور که حقمد روا کوریلن بو وجدان سوز عزو یاته باعث یکانه ، هپ ، برعائله نک حیاتی تأمین ایدن شو عاطفت مخصوصه خدیوانه در . بن بو عنایت جلیله بی قبول ایتمالی می ایدم ؟

احمد رضا بك! حالا نظر مرده حائر قيمت كورمك ايستديكم شرف
ونا موسكزه مراجعت ايديورم: بولطف جليل انسانيتك سترانه
وقتيله سرك حقه كزده رايكان بيوراسه ايدي قبول ايتز ميديكز ؟
بوسؤلك جواني عريض و عميق ملاحظه ايدوب اويله ويرملي
عكسي حالنده توالى ايدجك واحتمال كه سزي خيلي تراته جك
اسئله متسلمله يي ابي بيلملي جف القلم اعطاي جوابدن چكينيملی در
ها ! آرزقaldi اونود يوردم خديو حضرتلرينك مظهر لطف
وعاطفتلري اولق زعكز جه بر شين بر شابه ايسه كچن سنه مصرده
بولنديغكز زمان شرف ملاقاتلرينه نائلت امله بر ذاتك وساطتنه
نه ايجون جان آتديكز ؟ كچن مارت آينده مصرده ايديكز ، خديو
حضرتلرينه تقديم اولحق ايجون تشبثات مخصوصه ده بولنديكز ؛ فقط
قبول اولنديكز . بوتجربه يي بوندن بر ايكي سنه مقدم پارس ده ده
اجرا تشديكز . مسئولكز ينه بيسود قالمشيدى . بونلري انكار
ايد بيله جكمييكز ؟ خديو حضرتلرينه اولان اغبرار كزك اسبابي
اكلاشلدى : (عدم قبول) ايله (سلامت وطن ؟) نامه بر شيشي
قوپاراماق ! هله حسب حال مزه دوام ايدلم .

احمد رضا بك ! سنه لر سنه سى ايجنده بولنديغمز شو عالم فلاكت
واحتياجده صانيرم كه هيمز هم حالز هيمز اعانات حيتيمندان ايله كچينمكه
مفتقرز . هيج برمز حياتمزي كدميتممز ايله قزانممه مع التأسف مقتدر
دكاز . يقين وقتلره قدر سزده اوار باب احتياجدن بري ايديكز ،
اون بش سنه دنبري شونك بونك اعانه سيله ياشاورديكز .
حالاده ياشاوردكز ، آنجق شو برايكي سنه نظر فنده كچرديكز حيات .

سوء ظنکیزی دعوت ایدن واسع معیشتلی ذواتدن قات قات زیاده کسب وسعت و خاطری صابیلر درجه لرده سزه تأمین ثروت و رفاهیت ایلدیکندن الیوم فلککه قارشو ایی روی استغنا کوستر. پیورسکیز . خصوصیه غائله عائله ایله بر ایلدیشککیز اولمیدغندن اوله حق بر حالده ده بولمیدغکیزدن حیات حالیه کیز ایچنده پک آسوده، پک پارلاق و محیطی ایچنده بولمیدغکیز افرنج عالمده پک آت، پک مزراق یولنیورسکیز. فقط بن سزک کبی مییم یا؟ بوزمان نکبت و اغترابده کندمدن باشقه اون بر نفر دن مرکب بر عائله بسلیورم بوبد بخماریده حمیت یولنده بن قربان ایتک خطا سنده بولندم ؛ تعبیر صحیحیله، فلاکت حقیقیه یه معروض اولان بن دکل، عالمم اولدی. مع ذلک بن بو فلاکتلر مله، وطن و ملت اغورنده قزاندیغم بوجریحه لرمه دونه قدر مفتخر ایدم. فقط پک آجی اعتراف ایدرم که شو دقیقه ده اوله دکل. متأثرم، جدا متأثرم. بوهجران و مصیبتیه دوشد یکمدن، سزک کبی چرک غرضکاری ایله آلوده وجدان بر رفیق مسدکه، بر حق سز هم شهری یه — ولو معنا اواسون — تماسده بولند یغمدن دولایی الله بیلر که نادیم. حیاتمدن، انسانلغندن ده متنفرم مکر کیم سن دخی انسان ایمشک بن ایدم. آدمیتدن تبرا صد ددن تباعد ایتیه لم؛ ایدم دی درد احتیاج ایله همیز هم حال اولنجه، همیز محتاج اعانت و مروت بولونجه بنم خدیو حضر تارینک مظهر لطف و عا طفلتاری اولماغم سزی نه دن حقمده بویله موجب سوء ظن مذلتاره سوق ایدیور ؟ بونکله برابر بن کوردیکم بولاطقی — ماضی افتخار مک نشانه تقدیری اوله رق — بر عملکنتک حکمدار عالیتمارندن

کوریورم ، واولطفك مادام الحيات منتداری یم . سزك كې داخل
 وطنده بولنان همشهریلر یمزی ومصرک کباراغنیاسنی استقبالده اشغالی
 تخیل ایتدیکه کنز موقع اقبال ایله بالاطماع ماکل ایتیمورم
 باخصوص بر طاقم مخدرات مصریه یی ازدواج وعدلرله دولاند
 یرمیورم[*] تعبیر آغیرچه دوشدی ایسه عفویکنزی تنی ایتیم ،
 دولاندیر یحیلق فعلنك کیماره اطلاق لازم کله جکنك تفسیر
 وایضاحنی التماس ایلم (وقته عبدالحمیدك اك آلحق خفیه سی
 طرفندن کلن (صاری شام قایصیلری) [**] آلیورم . شمدی
 انصاف ایدیکنزه سویلیکنز که افهالمنزك هانکیسی دهاناموسکارانه در
 شوراسی وار که سز ، کوندریلن پارملری شخصکنز ایچون دکل ،
 سلامت وطن نامنه آلیور وهر یردن متادیا آلیورسکنز ؛
 شخصکنزه اولورسه قبول ایتیمور ، قطعیاً ایدهمیه جکنکی
 سویلیورسکنز دکل ؟ ایشته اون بش سنه دنبری صحنه شعبده بازی
 سیاستده اوینادیغکنز ، اوینامقده اولدیغکنز (رولارک) اکهم
 اک پارلاق ، اک نکته پیرا پارچه سی ده بودر . زیرا شمدی یه قدر
 سلامت وطن نامنه کلن پارملرک حسابنی بردفعه اولسون اصحاب
 اعانه یه بیلدیرمک زحمتده بولندیکنز . اویله یا ! بولارنه لزوم وار
 شهید حریت علی شفقتی بك مرحومه سنك مزار یادرمق

[*] احمد رضا بک جمیت نامنه اوتوبی بری بی دولاندیرمق ، جمیت
 نامنه کلن پارملری مرکز اداره به اخبار ایتیمک کپی طالریده واردر حقیقت
 حال رساله سی (صحیفه ۳۳
 (*) حقیقت حال رساله سی (صحیفه ۳۳

مقصودله طولانوب يديکزه تسليم اولنان يتش ايرامسئله سی
 سالف البیان رولاریکزه اک عادیسنی تشکیل ایدر . ینه کچن
 سنه جمعیت نامنه بر طرف عالیدن کلن ۳۰۰۰ فرانقندن (۲۵۰۰) ی
 درجیب ایدیابوب یالکزه بشیوز فرانغنک کوسرلمسی بوقیلدندر .
 شمعی سز ديه بیلیر سکزه : بن سنک کبی بوش طور میورم ،
 چالیشیورم ، نشریات ايله مشغول اولیورم ؛ خاقي دولاندير یورسهم ،
 بومشقله یی ممک ایدوب اوله دولاندير یورم ؛ یاسنه یاپورسک ؟
 سؤال بدرجه یه قدر طوغری ! بوکا جواب آتی یی ویریرم :
 بن خلقة جدی بر آدم . سزک کبی نمایشدن ، آلاشدن خوشالنام .
 بر ایشه صاریلیر سهم کمال جدیتله صاریلیر وبتون قوت وفعالیتمله
 صاریلیرم طوتدیغ ایشده دوام وثبات نخبه آمالدر . حتی بومناسبتله
 سزک بونجه سنه لک مسلك نشریاتده کی ثباتکزی بونقطه نظر دن
 لسان تقدیره آلمی لازمه نصفه شناسی عدایلرم . جديات یولنده
 قائمک صوک دامله سنی دوک مکده اصلا تردد ایتم . آنک ایچون درکه
 سکزه سنه مقدم ردوس قلعه سندن فرار ایدوبده اورپایه چیقدیغ
 زمان ، جدی کوردیکم ایکی امر مهمه کیریشدم ایدیکه سز بونلردن
 برینه فعلاً اشتراک دکل ، استماعه قارشو بر زمان قولالقرکزی طيقار
 دیکزه صوکره بوايکی ایشک اکیسیده بر ایکی ناکسک خیانت
 ودنائیلله بوزولدی ، برباد اولدی . بویابده دها زیاده ایضاحات
 اعطاسی جائز اوله میه جفی ایچون ودیعه ناموس حکمنده اولان
 بومسئله یی مکتوم طوتمق هر ایکیمزده فريضه وجدانیه در .
 اندن صوکره کوردمکه اورته ده جدی برشی یوق . تفصیلی

موجب کلال اوله جق هپ قولیات ، هپ نظریات ... آه ! بو حقیقتلری اعتراف ایتک خیلی دشوار و مرارت انکیزدر ، فقط مع الناسف که هپسی حقیقت ، تاریخ احرار عثمانیه کچمش بر حقیقتدر ، انکاره مجال یوقدر . ایشته اسباب مسروده دن دولایی وجدانجه املمجه بو عالم اکترابده و طمعه بر خدمتده بولنه مدم . بو ائشاده چهره عبوس ضرورته عرض اندام دهشت ایدنجه باشمی آلوب مصره چکلدم ، میدان نشریاتده بولنان رفقای حمیت پرورانک دعای موفقیتاریله اکتفایه مجبور اولدم . بوندن سوکره سی معلومک زدر .

احمد رضا بک ! افراد بشرده ذمائم اخلاقک انواعی ، ذناتک ، حیاسزلغک صنوف و در جانی واردر . فقط بومساوینک باشده اولانلری مطلقا افترا ، غرضکار تقدیر .

سن ، بوا یکی صفت ردیئه نک بالوجود موصوفیسک . انسان خصمنه قارشو تعرضی ده مردانه ، منصفانه ایتلیدر . اغراض و انفعالات نفسانیه سنه مغلوب اولوب حقیقتی ، فضیلتی فدا ایتمه ملیدر ، بویله عادیل بکره تنزل ایتله ملیدر . سن بکا خفیه دیمکله بن خفیه اولمام . وقتيله طاش قشله دیوان حربنده ایراد ایدیلن بر سواله جواباً دیدیکم کبی خفیه اولمغه چالیشم ینه اوله مام . چونکه ، تربیه ذاتیه مدن اول طبیعت بکا او استعداد خباتی و یرمه مشدر . حسب البشریه بر خیلی تقصیر اتمله برابر مردلک ، عفت ، فضیلمته محبت کبی قدرت فاطره نک حصه مه ایدر دیغی عطایای سبحانیه بی دائماً تحدیث ایدرم . بومعنویات فاخره می شانلی عثمانلی اردی سنده

بولنان معزز سلاح ارقداشارمله برچوق دوستلرم بیلیرلر ، حتی سنده هیچ بیلمز دكلك ، وقتيله حقمده غیابی ، وجاهی هر نصله اعز کردن قاچر مش بولندیك برایکی کوزل کله بوافاده لریك برهان جلیسیدر . فقط نه چاره که برمدنبری چشم انصاف و وجدانکی کشیف ، ظلام آلود بر سیاله کین و غرض بورومش ، عروق و اعصابکه قدر نفوذ و حلول ایتش ، بوکا ، ارا مزده تواریح مختلفه ده سبق ایدن برایکی چیرکین وقعه ده منضم اولمش اولمی که حال هیچانده بولنان جمله عصیهك بردراو سکونپذیر اولمور .

کینه قلب عدو لطف ایله اولمز زائل

سنگده مضمر اولان آتسه آب ایتماثر

احمد رضا بك ! ازا جق وجدان و انصافدن نصیبه دار اولسه ایدیكـز ، بكا خفیهك اسنادندن یوزیكـزك قیزار مسی لازم کلیردی . بونك ایچون ده شمدی یه قدر حقمده ایشتیكـز سوابق احوالی نظر دفته آلمق ایجاب ایدردی . او سوابقی که بن آنکله افتخار ایتکدهیم . بنم یکانه مدار مباهاتم ، اوربع عصر لقی حیات ماضیه و معنویه مدر . سرك ، خدمت خفیه خدیویده دیدیکـز ترك ضابطی خفیه لکی ، اوفعل منقور و مکروهی سرك کبی هوای صاف حریت تنفس ایتدیکی فرانسه ده دکل ، هیکل ظلم و استبداد کفر مانفر ما اولدیغی برپایتختده و او پایتختك ده ییلدیز سرایی نامنده کی انکیز بیسون محانده ، عبد الحمیدك همان همان حضور قهر جلادانه سنده دینیهك بر موقعه طوريله ، لسانيله ، قلميله تحقیردن و خفیه لریخی ده خیانتله ، دنا تله تلغین و تشنیعدن چیکینمه مشیدی . عثمانلی عزته سنك

بوندن بش سنه مقدم چيقان ۱۱۱ نومرولى وفى ۳۰ اغستوس
 سنه ۹۰۳ تاريخلى نسخہ سنده عسکرى تقاعد صنديغى اداره سنه
 دائر نشر اولسان مقالہ نك آتيدہ كى فقرہ بنى او قومشہ كز
 صاحب مقالہ يہ خفيہ لك اسنادى عبدالحميدك خفيہ لكيندن دها
 بيوك آلچاقلى اوله جغنى بلكه قلباً تصديق ايلشسكزدر . فقرہ
 مزبورہ بودر : «ينه برتاريخيدہ مابين شاهانده استنطاق
 اولنيوردق . سائل ، صاحب مشروع سلطنت سلطان مراد مظلوم
 افندمزنك جبر آ شرف مصاهر تليزنيہ مظهر ايديلن بندگان شاهانہ
 دن واصف بك نامندہ (اليوم وزير واصف پاشا) برى ايدى .
 موما اليہ برخيلي سؤال وجوابدن صوكرہ بزي بوپادشاهك
 زمانندہ عدالتك مفقوديتہ ، اصحاب ناموس ولياقت ايچون ابواب
 رقيتك مسدوديتنه ، پادشاهك وهم وجباننه دائر تفوهاتندہ
 بولنديغمز ادعاسيله استيجواب وايجاب ايدن سؤاللره اخذ جواب
 ايلديكي صرہده بالمناصبہ مملكتك هر طرفہ جراد منتشرہ كى
 يائيش جاسوسلر حقيقتندہ استهمان ايتديكمز الفاظ تحقير يہ دن
 متعجب اوله رق بويله برخفيہ لك خدمتى طرف شاهانہ دن بزہ
 تكليف ايدلسہ قبول ايدوب ايتيہ جكمز صورلمش وجواباً مع
 الافتخار قيديله تقيد ارادہ پادشاهى يہ مسارعت اولنہ جغنى وحى
 برنجى ژورنالك همان اورادہ رقيم واملا ايديله چكى بيلديرلمش و ژورنال
 مؤداسى نهدن عبارت اوله جغنى سؤال اوزرينہ حزين برآه
 چكيله رك برماديه ، برمادہ مهمديه يعنى عسكرى تقاعد صنديغتك
 حال حاضر اليمنہ جوابى ويرلمشيدى . مستنطق بك بوجوابمزدن

در حال تعبس ایتمش وخام ارواح اصحابندن بولندیغمزاکلاشیله رق
سؤالی دکیشدیر میشدی . « بوندن سکز سنه مقدم یازوب نشرینه
لزوم کورمدیکم مابین شاهانه استنطاقلرینی ، وطن و ناموس بولنده
باشم کلن بیک دراو فلاکتلری ، ان شاء الله بر آیه قدر احمد رضا بک نامنه
دیهرک ده دیه ایدوب نشر ایدم جکم . خدمت خفیة خدیو بده بولنان
اسماعیل حقینک ماهیتی اوزمان دهاواضح صورتده تعین ایدم جک
وحیا ، ناموس ، وجدان نه دیمک اولدیغنی بیلمه یین ادانی یه بو
حزنیات عالیه ایله خفیة لکک نه اولدیغنی ده اوکرته جکدر .

احمد رضا بک ! بیلیر سکز که الیوم خفیة لکک مرکز و منبعی
استانبولدر ، قیمتی ، رواجی ده باشلیجه اوراده در . ترکیاده نفیض
وترقی ایتمک ، آزوقت ایچنده ثروت و اقباله نائل اولما اکثریتله
اومسلاکده ممکن اولیور . بن بوندن اون ایکی سنه مقدم ، استانبولده
قائم مقام رتبه سیله وبر دائرة رسمیه ده اولدقجه مهم بر موقع اشغال
ایدیوردم . غدارلغک پک ایلر یسنه وارمه رق آیدم بر ثور نان ترقیم
ایتمه ایدم شبهه سز بو کونک اشاغی بر فریق اولوردیم . یا خود ، زلف
یاره دو قونیه رق یا لکز لسانمی طوتسه ایدم — تعبیر زمانه ایله — ادب
و اعتدال دائرة سنده یرمنده اوتورسه ایدم ینه هیچ دکلمه پر میر -
لوا بولنوردیم . (من غیر لیاقة کندیلرینه مملکت ایتدیکم بر قاج مشیر
ایله سکز ، اون فریق ولوایی بو حسابده داخل ایتیمورم) دوره عمر
بشرك اکثریت اعتباریله جاه و اقبال قارشو سنده استعداد ضعف
و زلزله کوستردیکی بر سن و سالده بیله بومسلاک ملعون و منفور
عصمتسرای وجدانمی اشغال و تلویث ایدم مدی . ایتسدایدی ، سزک

کجی پرواپوره آتلا یوب آوروپایه فرار صورتیله دکل ، یوقاروده یوزده برینی حکایه ایتدیکم وجهله ، دیواستبداده قارشو اظهارنزن چکیندیکم شدت نفرت ومقاومت اغورنده یکریمی بش سنه لک فورمه می میدان محاربه لرنده حیاتم بهاسنه آلدیغم نشانلری ، عائله می ، استقیالمی غائب وفدا ایدهرک برکروه اشقیایا یچنده زنجیر بند ردوس قلعه لرینه نفی واجلا ایدلزددم . دیمک ایسترم که اسناد کزکی خدمت خدویده بولنسم و خدیو حضرتلریده بوردیئه یی بالفرض والتقدیر قبول بیورسه لر استانبولده کوره حکم فیض وترقینک یوزده برینه مصرده نائل اوله مازدم . اجزای مهمه وطندن اولان مصرده اومقوله صنعتاره پول ویرن یوقدر .

* *

عزته کزده برده : « ایچمزده وجود لرله افتخار اولنور اوله ضابطلر من وارکه آلوده دامن قادینلر ، سلطانلر ، خدیولر نزدنده دکل ، بلکه حقیقی وطنپرورلک وظیفه سی اغورنده تمیز ایتمکه چالیشورلر ، » دنیلور .

ایشتدیکمزه کوره ذات والالری علی العموم قادینلر نزدنده تمیز ایتمک اقتدارندن چوقدن قالمش اولدیغکیز دن اوخش آلود قادینلر نزدنده تمیز ایتمک ایستینلر کیلر سه خطابکیزی آنلره ایتلی ، سزده بوبابده کی حسن انفعالی کیزی یاساقده ایتدیککیز خطالره ویا جاؤه طبیعتده عطف ایلایسکیز . بکا کلنجه : عمرم یارم عصری بلع ایتمکه رمق قالمش والیوم التی چوجق باباسی بولمش اولدیغمدن طقوز سنه دنبری خائب وخاسر قلان استانبولده کی خانه خرابلره

زاد و نفقه پدید می آید و او دید یک کز قادیلر نزدنده بوی کو ستر مکه
وقت و تقدم مساعد دکل .

سزدن شونی رجا ایدرم که ایچ کزده موجود اولان و وجود
لریله افتخار اولنان او کزیده ضابطلره وظیفه او کرتیمکیز ! آنلر
هم وظیفه وجدانیه لرینی ، همه خدمت خفیه ده دنیلان بوترك
ضابطنك کیم اولدیغنی بیلیرلر . سز یالکیز شونی بیلیمکیز که احمد
رضابك بوندن او توزنده مقدم احما که دهامکتب رشديه ویا
یکی قلعه دوام ایدرکن خدمت خفیه ده بولندیغنی بیلدیردیکی ترك
ضابطی ملازم ثانی رتبه سنی حاز و ارضروم ارکان حربیه سی
رفاقتنده مستخدم اولدیغنی حالد مجرد وظیفه سنه اولان فرط
محبتی سائقه سیله خدمت مأموره سندن مکرر آ ، مصرانه بالاستعفا
میدان شان و شرفه آتیش ؛ حروم ده ، کدیکارده ، یخیلارده متعاقباً
قارصك ایکنجی حال محصوریتده بولنش ، خدمتی ، ایکی رتبه ، ایکی
نشانه نائل اولمق صورتیه آمر لرینه بکندیرمش ؛ و او تاریخن
یکرمی سنه صوکرده ده یعنی احمد رضابك مونث و قاغنده آره میدیلرینی
خوشجه کچر مکه یا خود علی شفقتی مرحوم قلمیه یازیلوب (*)
کندی امضاسی آلتنده عبدالحمده تقدیم ایتدیکی معهود لایحه لریله
مشغول اولمده ایکن نه او اسکی ترك ضابطی ، مراد لید ،

(*) ذات شاهانه احمد رضا امضاسیله تقدیم اولنان لایحه استقبال
غزته سی محرری مرحوم علی شفقتی بکله دیکر ذاتک محمول دیکر و خامه لریدر .
رضابك شیوه تحریری اویدرمش و البته کندی امضاسنی وضع ایلدیر . حتی
رضه بکله برهنه وانی ده واضع الامضارضا بکدر حقیقت حال رساله می - حقیقه ۱۲

متعاقباً نسایانك مواقع مختلفه سنده اثبات وجود ایدرك ینه بر رتبه وایکی نشانله تلطیف اولمشیدی .

ایشته اوترك ضابطی و قتیله وظیفه سنی بوضورتله ایفایتیدی . احمد رضا بك ده شویله بر خدمت فاخره كوسترسه یا ! بك افندیك الك یوك خدمتی اونیش سنه دنبرو هر برملیكتمه یازی یازمق ، لایحه یایوب یاخود یاپدیروب استانبوله تقدیم ایتك ، وطن پرورلك نقابی آلتمده عالمی دولاندیرمق ، آمال خفیه یه مستند اویونلر ترتیب ایتك ، كندیسی کی اوتوز احمد رضایه اوتوز سنه درس ادب و فضیلت ویرمك اقتدارنده اولان ارباب ناموس و حیثیته سوق حسدله الك عادی كمسه لرك بیله تنزل ایدمه جکی تعرضارده بولمق اکثریتله كوستریلان دنر و معرفتار بونلر دكلی ؟ آسوزابه سی احمد رضا بك ! بویازی قهرمانلغك بو آتش زبانلغك یوزده برینی اولسون استانبوله فعلاً نیچون كوسترمدیكز ؟ بونكله برابر بن سرك کی وجدان و حقیقته كوسمش بر بد بخت اولدیغمدن یوقاریده دیدیكم کی تكرار ایدمكه — ولوقلاً اولسون ، ولو خارج وطنده بولمسون — خیلی سنه دنبری واقع اولان نشریاتكیزك حقیقته مقرون ، غرضدن معسوز اولانلرینی دائماً تقدیر ایدرم . شو قدركه بونشریاتك قسم اعظمی وطنه خدمتدن زیاده اشتہار ، تفرد ، دائماً تفرداملیله وقوع بولدیغنی ، بو اندیشه حرص اقبال ایله طالع وطن اوزرنده بك یمان رولار چوبرمكه حاضر لندیغكیزی بوكون اوروپاده اكلا میان بر وطنداش قالمامشدر . بوايه استقبال وطن ایچون بر علاقت خیر اولمسه كركدر .

بورا جده برايكي وقعه تاريخيه حكايه سي لازم كلدي. اوت احمد رضا
 بك ! سنك اك بيوك، الك فاحش نقايصك غر ضكارلق، ميدانده نك
 قالمق ايچون ارباب ناموس و حقيت علمينده ارتكابندن چكمنديك
 ظالمانه مفتریات، بو واديه چو رديك انتر يقلدر، ايشته مراد
 بك ! بو بيوك وطنرور اوروپايه چيقدني زمان سن بردنبره سقوط
 ايتك، ذاتاسني داخلده طانيان يوق دنييله جك قدر آز اولديغندن
 هر كسك انظار آمالی مراده منعطف اولمشيدي. اوصاف قلب، صاف
 نهاد آدم اوروپاده قالدقچه سنك ده كوالكهده قالمقنك محقق
 اولديغندن بوتاريخدن اعتبار آ تدوير دولاب مفسده باشلادك.
 افراط درجده اولاد محبتي ضعفيه معلول اولان او بيوك آدمك
 استانبوله عودتي ايچون اوينا مديك او يون قلمدي. زوالی آدمي
 وطنه عودتك ملك و ملتجه شويله خيرلي، بويله فائده لي اولاجني
 تلقين اتيلاه عاقبت اقناع و اغفاله موفق اولدك. وقتا كه مراد، اصلاحات
 جديده اجرا ايديله جكنه دائر اولان مواعيد كاذبه حميديه آلدانق
 صافدر و نلغنده بولندق استانبوله كيردي؛ سنده موقتاً املهكه
 نائل اولدك. و در عقب سلاح افتراي علمينه چو رديك فقط چوق
 كچمدي بو بهتانكك جزاي علمي (قافه سوفله وقعه سي) ناميله چور
 كصولي احمد بكدن اون يدي وطنداش حضورنده فضله سيله كوردك
 و سابقه كي آلوب سوقاغه دارفر لادك. بونلر شه سز اونودلما مشدر
 بوسطرلري يازار كن آنف اليمان (قافه سوفله) وقعه سنك - احتمالكه
 اونجی سنه دوريه سني اخطار ايتك اوزره - اخير آينه بر
 عثمانلي جنرالی طرفندن تجديد ايدليكي خبر آلندي. بوقهوه خانه نك

ارتق سزك ايچين بك مشئوم برانده ووحلى اولديغنه باقيلر سه موعده
ملاقانكرى بشقه يره تبديل ايتك حقه كزده خيرلى اولور ظنده يز .)
آرادن بر مدت كچدى مرحوم داماد محمود پاشا اوروپايه چيقدى ،
بكمزك پيادى ينده دفعه تنزله يوز طوتدى . فقط پاشا خسته ايدى ؟
احوال صححه سى ميدان جهادده دوامه مساعد دكلى ، بناء عليه
مشار اليه دن او قدر احتراز يوغيدى ، يالكرز مخدوملى صباح
الدين بك اوداهى ، او پرتوزكا وعرفان ، طوفانه دلالت ايدر
بر سحاب مخوف كى اطراف كده دولاشيور ، سنى چو قجه خويلا ند
ريوردى ، اندن زياده سيله اوركيوردك ، فصل كه چوق كچدى ،
قورقديغك باشكه كلى .

۱۹۰۳ سنه سى شباطنده پرنس صباح الدينك صباح الدين همت حيتندانه
سيله پاي سده معلوم اولان قونغره وقوع بولدى . سن ده اوراده مدعو آ
موجود ايدك . فقط حائر اولديغك اقتدار و موقع اجتماعى ، سنى بوقونغره
دهده او چنجى ، دردنجى درجه لرده براقديغندن كمال حرس ايله انتظار
ايتديكك موقع رياستدن چوق اوزاق قالدك . بو حالار سوق
حسد و خود بينى ايله سنى صيقدى ، صيقدى . خصوصيله قونغره ده
استناد گاه يكانهك اولان محترم وطنداش متوفى خليل غانم
افنديك ده فكر آسندن آيرلديغنى كورنجه يتون يتون شاشردن ، قالدك .
خاطر ده دركه صباح الدين بك و طرفدارلرينى وطنه اهله تله اترام
ايچون يكانه وسيله انخاد ايتديكك والى سنه دنبرى شهربر و اعلاندن
بر درلو اوصانمديغك ، اوتانمديغك مداخله اجنبيه مسئله سنى
او خواجه عرفتاك ، اوخير خواه بنى اشتباهك بيله قبول ايتمش و حتى

Action bienveillante تعبیری کنیدی بولش ایدی. خسته
 اولدیغی جهتله اوکیجه کی اجتماعده بولنه میوب رأینی نحریر آومظروفا
 کوندرن متوفای مشارالیه ، او حقیقی وطنپرور رأی واقعیله سنی
 حیرتده بر اقمشیدی . فقط سن ، بوحقیقتله قانع اولمک ، اکثر
 افعالکده یاپدینک کی بو عناد جاهلانده کده ده الله ایچون ثبات ایتدک ،
 وهر نه او اورسه اولسون قونغرهدن صیریلوب چیقمنده ، یالکیز چیقمنده
 دکل ، برضربه مدهشه ووروب اویله آیرلمغه قرار ویردک . بونک
 ایچونده اوزمانه قدر زورجه سلام ویردیک و هیچ بروطنداشکی زیارتی
 عادت ایتدیک (امازنکینار مستثنا، از جمله مصر کبراسنی زیارت دکل ،
 آنلری کعبه کی طواف ایدرو بریالیزلی اشارتله قیش اورتله رنده مصر لر
 قدر کلیر سک دکل ، کیدی کفته خور!) حالده کندی که طرفدار پیدا ایتک
 ایچون بر خایلی ذواتک برهفته علی الدوام اوتلارینک قبولرینی آشیندیر
 دک . اندن صوکره اویره باتاسی مداخله اجنبیه مسئله سنی تمجید
 پلاوی کی اورتیه سورمکدن و صباح الدین بک ایله طرفدارلرینی
 آصلغه لایق خونه صورتده کوسترمکدن حیا ایتدک . بو وادیده
 المتعفن ، الکی امان اسناداتدن چکنمک . بوکون تمام یدی سنه
 اولیورکه او زوالی مجاهد نجیب علیهنه یوریوب کیدیورسک .
 نه ایکنرنج یاغلیق ؟

احمد رضا بک ! بو پرنس صباح الدین سکا نه یاپدی ،
 نه فناقده بولندی که سنه لر سنه سی علیهنه قلم اوینا تمقده دوام
 ایدیورسک ؟ اگر ترقی نامیله باشی باشنه بر غزته چیقار مقده
 ایسه ، اگر فکر آسنکله برلشمکدن امتناع ایتدیه بونده موجب

غیظ و انفعال نه وار ؟ بر اشتمک اتحاد افکار ایله اولور ؛ فیکر اتحاد
 حصوله کلزسه اتفاق نصل ممکن اولور ؟ سن الی سنه مقدم قونفره دن
 آیرلدک ، همد بر سوء فیکرونیتله آیرلدک ؛ بدایه آایوم مصرده بولنان
 رفقای سابقه حمیتندانک ایله شورای امتی چیقارمغه باشلادک ؛
 صباح الدین بک سنک علیهمکده رأساً بر سطر یازی یازدیعی ؟ یازسه
 ایدی حقلی اوله بیلیر میدی ؟ عالم مطبوعات که بر میدان اجتهاددر ؛
 مساک و مزیت اخلاقیه سی طائش اولق شرطیله ، هر وطنپرورک
 بر فیکری ، بر محاکمه سی ، بر اجتهادی واردر . و آنلر هر صورتله
 شایان تجیل حرمتدر لر . احتمال که صباح الدین بک و بعض طرفدار لری
 قونفره ده موضوع بحث و مذاکره اولان مداخله اجنبیه ماده سنده
 مفرط و مخطی ایدیلر ؛ احتمال که مشار الیه الیوم تعقیب ایتیمکه
 اولدییغی عدم مرکزیت مسئله سنده ده افراط و خطاده بولنیور .
 صباح الدین بکک بالاتردد بر صدیق خاص فداکاری و افکار
 سیاسیه لرندن فیکریه موافق کلنلری اعتباریله طرفدار ی اولدیغی
 حالده اعتراف ایدهیم که بومسئله ده بن دخی فیکر مشار الیه اشتراک
 ایده مدم . کچن سنه پارسده ایکن ارامزده بوکا دائر ساعتله
 جریان ایدن مباحثه لره و ایراد ایدیلن دلائل عدیده یه رغماً
 ذات ماده فیکریه بر درلو ملایم کلدی ، آیقری و معوج کورندی ،
 یکی افکار جه وقوعه کلن بر ماینندن طولای او مجاهد غیوره ،
 اونجیب وطنپروره اهانت اسناد ایتیمه م روا اولور میدی ؟ عادیلک ،
 وجدانسزلق بوکا دینزسه نه یه دینلیردی ؟ امدی صرف اجتهاددن
 منبعث بر اختلاف اوزرینه مشار الیهک فیکرینه فیکر وطنپرورانه

بی اشتباغه حرمت ایدیله جک یرده حقنده روا کوردیک
تجاوزات، عزو واسناد ایتدیک مفتریات عیب دکلیدی؟ خصوصیه
اوتوز نفره واران بر جمعیت اعضاسنی. بونلر اجنبیلرک مملکت مزه
مداخله لریخی ایتیورلر، وطنی اجنبیلره صاتیورلر، بونلر خائدر-
لر، بونلر جانیدرلر دیه اتهام ومحکوم ایتک — نظر نده مقدس نه
ایسه آنک نامنه سوبله — غرضکارلق، الحاق دکلیدی؟ عجبا
دنیا ده بویه تصویری بیه تویلری اورپردیچی بر دنائی بالفعل
ارتکاب ایدن دکل، آنی حجرات دماغیه سنه صیقیشدیر مغه قائل
اولان صاحب وجدان هانکی سفیل انساندر؟

مطالعاتدن شو خلاصه بی چیقار مق ایترم که صباح الدین بکه
و طر فدار لرینه ایتدیک هجوم و تعرضلر و طرورلک الجاسیله
اولدی، صرف سودای سفیل غرضکارانه، داعیه نفرد حسودانه ایله
اولدی و چوق عیب اولدی.

احمد رضا بک! غزته کزده علی الاطلاق دوئلاییده دوئلاییده
نلریده حصه مند تحقیر ایتکی اونو تمام شسکز. انجق بومطالع کزده
دوغرو اولسه کزک. زیر ناموس و شرف مسئله لر نده دوئلاییده
اوروپاده عصر لر دنبری قبول عامه یه مظهر اولمش بر اصول مبارزه
بر اصول که بعض محاذیر یله و هر درلو ممنوعیتلره رغماً حالاده
جاری اولوب کیدیور. و بوده اک زیاده جدی غزته جیلر اره سندم
— سزک کی دکل — متحد مناقشات قلیه دن ظهور ایدیور.
طبیعتک سزی بک ایرکن محروم ایتدیکی سائقه عشق و سودا
و بوکامائل امراض نفس و هوا استئنا ایدیلیر سه دوئلایونک جمعیت

مدنيه ايجنده برخيلي فواندي بيله منكر دكل ، از جمله سرك كي
 سوزيني بيلمز واغزندن چيقاني قولانغي ايشتمز حسادوغر ضكارانك
 اره صره ارباب ناموس حقلارنده آچدقاري لسان مباركلريني
 ادب و تربيه دائره سنده طومغه مجبور اتمك ايجون اك مهم چاره نخط !
 ها ! بنم سزه اسباب مشروحه دناشي دائره تصور و تصميمده
 قالان دوللو تكليفم ادعا كز كي شهر و تميز ايجون دكل ، بلكه
 سين و فيره دنبري اوروپاده بولمكز دن ، چو جقلفكز دنبري اورپا
 حيات و تربيه مي كوروب اليوم هر طرز حياتكزي او محبطه
 تطبيقده تعصب درجه سنده وارمكز دن و حق علي شفقتي مرحومك
 جنازه سنده بولنديفكز كون حضار كي فس كيملكزي اخطار
 ايدوبده مسموع اولديغني كورن بروطندا شك : يا استانبوله كيدر سه كز
 نه يا باجقسكز ؟ سوانله و برديككز : سر كه جي غارندن سيلندير
 شاپقه ايله سربستهجه اينلوب كز بيله جك بر حريت كورمد بجه استانبوله
 دوغم . جوانك حافظه پر يشانده منقوش بولمئسندن ايلري
 كلشيدى . يوقسه بر بوتون ترك بر يارم تركه اوروپا اصولنده
 مبارزه تكليفنه قالقشمي خيلي كوانج رشي اوله جغني بنده بيلز دكام .
 و برده سوزك تاثيري قليجدن ، طبانجه دن دها اهو نميدركه
 بنى سوزايله مقابله دعوت ايدنيورسكز ؟ سزه ايسته مهيه ايسته مهيه
 و دها آغز ظن اينديكم بو خطابات تحريه دن عجا دهامي آزمتاثر
 ورنجيده دل اوله جقسكز ؟ سبحان الله ! حالوكه وقتيله مبارزه بي
 قبول ايده اينديكز (بلكه) دها اوزمان قوجا فلاشير و شمدى
 يكديكر يئمه صميمي الراوزاير ، سوبشيرك و بوضورتله بر يئمزي

مادام الحیات فصل ومذمت معاینندنده وارسته اولمش اولوردق .
 عزیزم ! جریحه لسان جریحه سناندن چوق کسکین و ناقابل النیامدر .
 ینه غزته کزده سزه دونلاو تکلیفنده بولاشتم اشتہار ایتک ایچونمش !
 ایشنه بو، جد آخنده آور اوای سز بو قدر اہمتی بر آدمیسکز؟ یا خود
 وطنده کی موقع ورتہ کز بندن دہامی بیوک ایدی کہ سزکله بوی
 اوچشمکہ قیام اشتہارمه سبب اولاجق ؟ ظن ایدرم کہ تصمیم
 واقعه سزه قارشو حقسنر وزبونکشانه برمعاملہده بولندم . غایت
 معقول برقاعده التندہ وزیر تأثیرند بولندیغمز محیطک ایجاباتی دائرہ
 سندہ برحرکتندہ بولندم . سن وتشکلات بدنیہ اعتباریلہده سزه
 قارشی میدان او قومادم ، صانیرم ، ماشاء اللہ ! سروکی بر بوی ا
 وجود ، قوت بدنیہ ایسہ شہہ سز بندن قات قات زیادہ شو حالده
 اشتہارمی تأمین ایدہ حک نہ قابور ! شمدی انصاف ایدیکز بو
 شرائط داخلندہ سزی مبارزہ دعوت ایتک ایستین بر آدمہ
 آپاشاق اسنادی موافق ادب ومنطقمیدر ؟

ینہ غزته کزده سلطان طرفندن استانبولہ عودتکز ایچون
 ایدیلن تکالیف عدیدہ بی رد ایدی ککیزی متفاخرانہ بیلدی ریورسکز؟
 عجبا یقین وقتارہ قدر سلطان طرفندنہ کیملر مأموریت
 تکلیف ایدلدی کہ حشکزده وقوع بولان بودعوتاری عجب وغرور
 ایلہ اورتہ یہ سوریور وکندیکزه یاہلر ویریورسکز ؟ بش سنہ
 اول سلطان طرفندن بو عبد عاجزہده عفو ایلہ مخلوط بر مأموریت ،
 ہمدہ مأموریت خارجیہ تکلیف ایدلدیکی حالده رد ایدی کی
 ہرکس بیلیر . بونلر تفاخرہ دکر شیلر میدر ؟ بونکله برابر المزدہ

بولنان حقیقت حال رساله سنک اون ایکنجی صحیفه سنده مندرج
 بر فقره یه رغما بن دیدیککز تکالیفه ینه اینانیرم [*]
 غزته کزده ، غرور نفسانیکزی ، اک زیاده انبساطه کتیرن :
 کوریلورکه دنیاده اولدیرلمکه مستحق یالکز احمد رضا ایمش !
 جمله سیدر . جمله شعیق معنیدار اولدیغی قدر بارد و کولونج
 دوشمش اهل غرور ، هپ خودپسندلک ! انسان بودرجه کندیسنه
 اهمیت ویرمک ایچون مطلقاً احمد رضا بک اولمایدیر !
 افندی ! باخود بک افندی ! سزیم دوتلایه دعوت ایتک ایستینلر ،
 وجود نادر الموجدیکزی اورتهدن قالدیرمق ایچون دکل ، بلکه —
 اوتوز دفعه تکرار ایتدیکمز وجهله — سائقه حقد و غرضله
 ارباب ناموس و حیثیته سموم رنجش و آزار صاچان میارک لسان
 و دهانکزه لجام قید و تأدیب اورمق ایچن ایتشاردر . فقط سز
 اورالر یناشیمور ، اوله تهلکه لی ، آپاش (کاری) شیردن
 خوشلانیمور سکز ؛ بر پیره زن روزکار آسا بوینه سویلنوب
 طور یورسکز . بز عبدالحمید کبی بر بلای آسمانینک ظلم و استبداد
 ندن موقناً قور تولدق دیرکن خارج وطندهده احمد رضا بک جور
 و تجاوزینه معروض اولدق . اوته کی هیچ دکسه بر حکمدار ، فطره
 مستبد . آلدیغی تریه مقتضاسی غدار بر حکمدار ایدی ، فقط حکمدار

[*] احمد رضا بک بر سفارت کتابتیله قایلرانی استرحاماً پارس سفیر اسبق
 مرحوم اسعد پاشایه استدعا تقدیمله سفارتخانه اشیکنی خیلی آشیندرمش ،
 بوکا نائل اوله نتیجه انشاءمیلیر بک حاله مرحت ابدوز شرق اله مناسبتی
 اولان قومپانیالر توصیه ابدوب برلشدیرلشدیر . بوخصوص رضا بک فیکر نده
 سیاه بر نقطه تشکیل ایدر .

ایدی؛ ظلم و غدرینه چکسه دهه ، چکسه دهه قاتلانق ضرروی ایدی .
 یاذات والاری که - والده کزک اوستریالی اولسی مناسبتیه - تمام بر
 ترکده اولدقلری وشو وطنده کی علاقه کز انکیلز علی بک دینکله عریف
 پدر کزک ترک ملتیه اولان نسیتی درجه سندن عبارت بولندیغی
 حالده قهر و ستم کیزه نصل قاتلانیلیر؟ و بوتقدیرده صورت زیبا کزه
 فصل برمشت تأدیب حواله ایدلمز؟ انصاف ایدن کزده اوله سویلیکیز
 حاصلی احمد رضا بک؟ مع التأسف دیرم که سن حقیقی بر
 وطنرور دکلسک ، واوله مازسک . وطنرورلک نقابی التمه کیز
 لئش منافق ، ماهر برشالاتانسک . علت حرص تفردله معلول
 برخسته سک . میدان جهاد و عزاده یالکیز قالمق ایچون هر
 فضیلتی انکاره هر حقیقتی فدا ایتکدن اوتانمز بردساس سک . آمالیکه
 شهرتکه باخصوص منفعتکه جزئی نقیصه بخش اولدیغی حس ایتدیگک
 اولو العزم اصحاب حمیتی هر درلو وسائط خسیسه یه بالمراجعه
 دیوروب یقمقده تردد ایتزسک . بردجده ده که بوخصوصده
 وطبکی ، ملتکی فدا ایدرسک [*] نظر کده سوزک، فضیلتک قطعاً
 تأثیر قیمتی یوق؛ یالکیز منسوب اولدیغک یوزتورم مذهبی
 مقتضاسی جانکی، برده منفعتکی چوق سورسک . عزت نفس دینان
 خاصه جلیله انسانیدنده محروم سک . برکون اول یوزیکه

[*] رضابکک اون سنه مقدم زیر رباستنده بولانان اون بدی نفردن
 مرکب جمعیت اعضاسنک متعداً رئیسارندن شکایتلری اوزرینه مرادبکک
 برسؤال مؤاخذه کاراته سنه عیناً ویردیگی جواب : سلیکمه دوام وثباتم
 یوزندن ملاک و ملت محو و پریشان اوله فکرمدن دونم . حقیقت حال
 عرسالامی صحیفه ۲۰

توکورن بر (فاضل) ذاتک مجرد طرفدارغنی قزاق ایچون برکون
 صوکره خانه سنه کیدوب النی اویمک سکا مخصوص مزیتلر دندر ،
 خارج وطنده بولنان رفقای احرارک جمله سی بوحقایق تسلیمده
 متحددرلر . شو صایدیغم سیئه لردن آزاده اولایدک ، مسلیککه فدا
 ایتک ایستدیکک وطن و ملتکه خیلی خدمات نافعده بولنه بیلیردک ، سنک
 نصل خشین ، خودکام ، عنود ، حسود ، مستبد ، امتزاحسنر بر اعجوبه
 روز کار اولدیغکی ایوم رفاقتلریله مفتخر اولملیغک لازم کلن حیثیتکار
 ارقداشلرکده که آنلر بنده تقدیر و حرمت ایتدیگم رفقای
 معزز و مدرلر ؛ اوکر نمش ، الکنن الامانخواز اولمش و حتی کچن سنه جمله
 سی بردن سندن آیرلمشلر ایدی . صوکره حرکت خود بینانه کلک
 وخامتتی درک ایتدک و در حال یلکینلری صویه ایندیروب رفقای
 محترمه کله بر طریق ائتلاف بولمغه مجبور اولدک . ینه کندی
 لسانکنن منقولدرکه : اوروپایه کلوب بنله ملاقی اولان هر وطنداش
 ابتدای ملاقاتده حقمده آثار حرمت و مودت کوستردیگی حالده
 بالآخره بندن یوز چویرینور و بردها ستممه اوغرامیور ؟ نه
 عجیب شیء : دیه متخیر اولیورسک . بونده تعجبیه محل وارمی ؟
 او حیرتی ، اورو کردانلغک اسبانی یوقاریده اونده برینی تعدادده
 چالیشدیغم سیأ تکده آرایوب اصلاح نفسه غیرت ایتلی دکیلسک ؟
 بو حال سکیز سنه مقدم عینیله بندهده واقع اولمشیدی . وطنده
 ایکن یللارله غیاباً احمد رضانامنه بسلدیگم اوحار ، شدیدحسیات
 خالصه و صمیمیه ، دها ایلک ملاقاتده سونمش ؟ مبدل سکون
 و تزلزل اولمشیدی ، (۸ مایس ۱۹۰۱ قانبون سوغاغی)

آه رضایک آه ! یا نارم ، حالا آغلارم ، و قتیله نسخه کبری کبی
 قلبمک الکالی موقعنده صاقلادیغ اوکیزین ، مطرا شکوفه روح
 و وجدانه که اتحافه حاضر لاندیغنی متعاقب صولدی ، قورودی برك
 خزانه دوندی . تسمع بالمعیدی خیر من ان تراه

مساعده کنزه اراتق دمدمه لریمه نهایت ویره یم :

ای احمد رضا بکی غیا باطانیان قارئ ؟ اعماق روح و قلبمندن فشقروب
 کلن و کله شکلمنده شو صحیفه لره دیزیلن بو حزین ، رقیق ، بکا آور
 حسلری احتمال که مبالغه یه ، انفعالات قلبیه مک شدتنه حمل ایدرسک .
 حقک وارا حسب البشریه تأثیری النهمده بولندیغ بو حسیات متعجبجه بی
 انکار ایتمه مکله برابر دیرم که : امین اول ، ناموس و وجدانه اعتمادیت
 که احمد رضا بک بکه افترا یتیمورم . بن اکا آنک کبی حقسنر اسناد اتده
 بولنیورم ، بر حقیقت تشریح ایدیورم ، کنندیسنی سنرک کبی اوزاقدن
 طانیانلره تمثال حمیت کوسترن بو مخلوق عجیب الاخلاقک ، بو
 خود پرست ، بوانتریقان آدمک روحنی ، وجدانی ، هویتی ترکیجه سی
 ایچ یوزینی تصویره چالیشیورم .

اگر بو آجی خطا بلرم احمد رضا بکک قلب و وجداننده
 بر اثر صلاح و انقباه حصوله کتیررده تخلیص وطنه معطوف
 اولدیغنی ادعا یتدیکی خدمات نشریه سنه بعد ما بوشابه لردن عاری
 اوله رق دوام ایدرسه وطنه — ولو جزئی اولسون — بوضورتله
 بر خدمته بولنش اوله جنم ایچون ینه افتخار ایده حکم . هله باشنرک
 بوسکالی بلاسی و عثمانلی ملتنک اوتوزایکی ییلق صبر و سکوت جاها لانه سی
 جزاسی اولان شو عبدا الحمیدی لحد سکون ابدیته ، محکمه کبرای عدالته


تسليم ايددم !، هله وقتيله بنم كي سماعا مفتوز و حيراني اولديفكز احمد
 رضا بيكي بركره اوزون باستونيله، سيلنديرشابقه سيله استانبولزه ادخال
 ايله يهلم . ايله لم ده سزك كي بيكارجه وطنداش و مريض شهرت
 واقبالك نصل رنكين برقاش اولديغني يقيندن كورسون ! سوزلرمي
 مبالغه يه حمل ايتك ايستينلر شمدليك احتياط بيورسون !
 حقمده ويره جيكي حكيمي او وقتده صاقلاسون ! اكاده راضي يم .
 ستبدى لك الايام ما كنت چاهلا و يا ايتك بالاخبار من لم تزود
 مصر القاهره في ۷ كانون اول ۱۹۰۷ . اسماعيل حقي


احمد رضا بكك مكل ترجمه حالي او كرتك واحوال سائرده سي حقمده معلومات
 مفصله آتق ايستينلر دو قور شرف الدين بكك بوندن اون سنه مقدم
 تحرير و نشر ايتديكي حقيقت حال نام رساله يه مراجعت ايتميليرلر .




فیأتی الشمس باره در

آندرس : در باب البرق ۱۷ مصر القاهره







3 1761 07130607 0

DR

568

.8

I7A3

1908